

Primljeno	20.06.2002.godine	broj	
Org. jedinica		broj	
1,2-011-671/03		broj	
		broj	



BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM  
**Komisija za vanjske poslove**  
Broj: 01,2-011-671-03/02  
Sarajevo, 20.06.2002.godine

## ZAPISNIK

Sa dvadesetprve sjednice Komisije za vanjske poslove

Sjednica je održana 19.06.2002.godine sa početkom u 14 sati.  
Sjednici su prisustvovali sljedeći njeni članovi: Marko Amidžić, Muhamed Begović, Željko Bilbija, Sead Buturović, Boro Bjelobrk, Salih Kulenović i Branislav Lolić.  
Opravdano odsutni su bili: Momir Tošić i Mariofil Ljubić.  
Sjednicom je predsjedavao Marko Amidžić, a zapisnik vodila sekretar Merdžana Iglica.  
Sjednici je bila prisutna i Dragica Hinić, stručni saradnik iz informaciono-dokumentacione službe.

Predsjedatelj Komisije za vanjske poslove predložio je sljedeći

## DNEVNI RED

1. Verificiranje zapisnika sa 20. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 22. maja 2002.godine;
2. Razmatranje materijala i priprema za Četvrti međuparlamentarni sastanak između Parlamentarne skupštine Bosne i Hercegovine i Delegacije Evropskog parlamenta, zakazan za 27. i 28. juni 2002. godine u Sarajevu;
3. Davanje mišljenja o saglasnosti za ratifikaciju (22. tačka Dnevnog reda 27. Sjednice Zastupničkog doma):
  - Sporazuma o unapređenju i zaštiti investicija između Bosne i Hercegovine i Savezne Republike Jugoslavije,
  - Sporazuma o amandmanu na Ugovor o zajmu datiran 2. novembra 2000. godine između Evropske banke za rekonstrukciju i razvoj i Bosne i Hercegovine,
  - Sporazuma između Vijeća ministara Bosne i Hercegovine i Vlade Savezne Republike Njemačke o međunarodnom drumskom prijevozu putnika i roba,

- Ugovor između Bosne i Hercegovine i Savezne Republike Njemačke o podsticanju i međusobnoj zaštiti investicija,
  - Protokola o osnivanju i funkcionisanju kulturnih centara između Vijeća ministara BiH i Vlade Republike Turske.
4. Razmatranje akta broj 02/2-011-491-5/02 Komisije za spoljnu i trgovinsku politiku Doma naroda u svezi sa parlamentarnom suradnjom sa Parlamentom Australije
  5. Razmatranje izvješća i inicijativa upućenih Komisiji do dana sazivanja sjednice:
    - a) Poziv Misije OSCE-a u Bosni i Hercegovini i NATO Programa za sigurnosnu suradnju sa Bosnom i Hercegovinom Parlamentarnoj skupštini Bosne i Hercegovine za posjetu Parlamentu Slovenije,
    - b) Pismo Političkog odjela Ambasade Sjedinjenih Američkih država u Bosni i Hercegovini o posjeti N.J. E. Richarda S. Williamsona, Ambasadora S.A.D. za politička pitanja pri Ujedinjenim Narodima Bosni Hercegovini u ponedjeljak, 24 juna 2002. godine.
  6. Tekuća pitanja.

Sa dnevnog reda je skinuta tačka 3. zbog neprisustva sjednici Komisije nadležnih predstavnika institucija koji su bili pozvani da daju obrazloženje o potpisivanju navedenih dokumenata.

Ovako modificiran dnevni red je jednoglasno prihvaćen.

Ad.1. Komisija je razmatrala zapisnik sa 20. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila,

Ad.2. a) Komisija je razmatrala materijale za pripremu Četvrtog međuparlamentarnog sastanka između Parlamentarne skupštine Bosne i Hercegovine i Delegacije Evropskog parlamenta za odnose sa zemljama Jugoistočne Evrope, koji će se održati u Sarajevu 27. juna 2002. godine. Komisija je prihvatila dnevni red i nacrt Programa predstojećeg sastanka, te zapisnik sa Trećeg međuparlamentarnog sastanka između Evropskog parlamenta i Parlamenta BiH, održanog 9. i 10. jula 2001. godine i Zajedničku izjavu predsjedavajućih delegacija po ishodu tog sastanka.

b) Komisija je upoznata sa materijalima Vijeća ministara (Ministarstva za evropske integracije i Ministarstva vanjskih poslova) – Prijedlogom Plana akcije institucija BiH u cilju ispunjenja smjernica EU (Road Map), Izvještajem Komisije Evropskih zajednica o stabilizaciji i pridruživanju za BiH, Podsjetnikom Ministarstva vanjskih poslova o odnosima sa EU, Izvještajem Međunarodne krizne grupe za Balkan, kao i statističkim podacima datim od strane UNHCR o stanju izbjeglica u BiH.

c) Komisija je zaključila da svi članovi, u skladu sa svojim obavezama i mogućnostima prisustvuju ovom sastanku i podržala prijedlog predsjedatelja da se za ovaj sastanak uputi poziv Visokom predstavniku međunarodne zajednice u BiH, šefu delegacije Evropske Komisije u BiH, ministru i zamjenicima ministra Ministarstva za evropske integracije te ministrici za vanjsku trgovinu i ekonomske odnose Vijeća ministara.



d)Komisija se složila da se pripremni sastanak sa ambasadorom Bosne i Hercegovine u Briselu, Zdenkom Martinovićem, održi 25. juna 2002. godine, kako bi se utvrdile glavne smjernice razgovora između dviju parlamentarnih delegacija, te da se sa tog sastanka sačini zabilješka.

e)Komisija je zaključila da u odsustvu predsjedatelja, sjednicu vodi prvi zamjenik predsjedatelja Komisije, Muhamed Begović.

f)Komisija je zaključila da obavijesti Vijeće ministara o pripremi sastanka i zatraži dodatne elemente, tj. precizan Plan za izvršavanje zadataka u cilju ispunjenja smjernica EU (Road Map) sa preciznim rokovima za njihovo izvršenje.

g)Komisija je zaključila da njeni članovi Sead Buturović, Boro Bjelobrk, Marko Amidžić i Momir Tošić sačine prijedlog za inicijativu formiranja Komisije za evropske integracije i za odnose se Evropskim parlamentom u okviru Parlamentarne skupštine BiH.

Ad.3. Komisija je razmotrila pismo upućeno od strane Komisije za spoljnu i trgovinsku politiku Doma naroda Parlamentarne skupštine Bosne i Hercegovine vezano za parlamentarnu suradnju između Bosne i Hercegovine i Australije kao i Informaciju Ministarstva vanjskih poslova BiH – Australsko-BH parlamentarne grupe sa Prijedlogom za suradnju te nacrt pisma koje bi se uputilo Parlamentu Australije.

Komisija je zaključila da se u načelu prihvata inicijativa za uspostavu parlamentarne suradnje kao i da prijedlog bude upućen zajednički od strane obje Komisije Parlamentarne skupštine BiH. Predsjednici Komisija dvaju Domova i sekretari u suradnji sa Ministarstvom vanjskih poslova trebaju sačiniti Program suradnje sa evidentiranim otvorenim pitanjima i tačnim vremenom kakd bi ovu međuparlamentarnu suradnju trebalo započeti.

Ad.4. a)Komisija je razmatrala poziv Misije OSCE-a u Bosni i Hercegovini i NATO Programa za sigurnosnu suradnju sa Bosnom i Hercegovinom Parlamentarnoj skupštini Bosne i Hercegovine za posjetu Parlamentu Slovenije i saglasna je sa sastavom delegacije koju će činiti: Marko Amidžić, Franjo Majdandžić, Željko Bilbija i sekretar Merdžana Iglica.

Komisija je obavila raspravu o ciljevima posjete i predložila da se prilikom posjete prikupe podaci o sadržaju i domenu rada Komisije za odbranu i sigurnost Parlamenta Slovenije, funkciji temeljnog cilja parlamentarne demokratske kontrole nad oružanim snagama i sigurnosnim sektorom kao i o oblicima suradnje tog tijela sa Ministarstvom odbrane. Delegacija će sa prikupljenim podacima upoznati članove Komisije na nekoj od narednih sjednica.

b)Komisija je razmatrala Pismo Političkog odjela Ambasade Sjedinjenih Američkih država u Bosni i Hercegovini o posjeti NJ. E. Richarda S. Williamsona, Ambasadora S.A.D. za politička pitanja pri Ujedinjenim Narodima Bosni Hercegovini u ponedjeljak, 24 juna 2002. godine i nekolicina njenih članova je izrazila želju da prisustvuje ovom sastanku-radnom ručku u Američkoj ambasadi. No, zbog obezbjeđivanja propusnica i sigurnosnog sistema, iz Američke ambasade su poziv uputili samo na predsjedavajućeg i dvojicu zamjenika Komisije za vanjske poslove. Zbog preuzetih obaveza izvan Sarajeva, Marko Amidžić neće moći prisustvovati ovom sastanku, ali će zato na ovaj sastanak otići Muhamed Begović i Željko Bilbija.

Komisija je zaključila da od Ministarstva vanjskih poslova zatraži da do ponedjeljka, 24. juna 2002. godine do 12h dostavi prijedlog pitanja za koje je zainteresiran američki ambasador pri UN, kao i ključne konstatacije za koje Ministarstvo vanjskih poslova cijeni da ova parlamentarna grupa ima interesa.

Ad.5. Član Komisije Sead Buturović postavio je pitanje izbora članova i zamjenika članova delegacije Parlamentarne skupštine BiH u Vijeću Evrope što će se naći kao 21. tačka dnevnog reda na 27. sjednici Zastupničkog doma Parlamentarne skupštine BiH u četvrtak, 20. juna 2002. godine.

Zaključeno je da se predsjedatelj Komisije treba na ovoj sjednici uključiti u raspravu i iznijeti kriterije za izbor članova i zamjenika delegacije Parlamentarne skupštine BiH u Vijeću Evrope koji su utvrđeni na prethodnoj sjednici Komisije.

Sjednica je završena u 16 sati i 30 minuta.

PREDSJEDATELJ  
KOMISIJE ZA VANJSKE POSLOVE  
**Marko I. Amidžić,dipl.ing.**

